

Sakspapir

Sakshandsamar	Arkiv	ArkivsakID
Kristin Handeland	FE-033	22/197

Saksnr	Utval	Type	Dato
063/22	Formannskapet	PS	08.06.2022

Eventuelt

Saksutgreiing:

Forslag til vedtak:

Formannskapet - 063/22

F - behandling:

Spørsmål frå Hans Erik Waage (Ap)

Kan formannskapet få ein orientering om :

- Flyktninger
- Oppdrettslokaliteten ved Sildevågen
- Legesituasjonen

Ordførar svarte:

- Flyktningar

Det er tilsett flyktningekoordinator i 50% stilling. Vedkomande er ein tilsett som har fått omdefinert delar av si stilling.

Fedje har tatt imot tre familiar. Det er tre mødre med to barn kvar. Barna er i alderen 7 til 16 år.

Alle går på skulen no, to av barna skal på vidaregåande til hausten.

Kommunen har inngått leigeavtarar med private om hus.

Det bur ein russisk familie i Fedje. Familiene som har kome, har «godkjent» at det er heilt i orden med kontakt med russarar. Vi brukar vedkomande til diverse oppdrag no i starten på grunn av dei kan få hjelp og rettleiing av ein dei kan snakke med på sitt eige språk.

- Oppdrettslokaliteten ved Sildevågen.

Februar hadde eg møte med Håkon Tombre i Bergen. Me blei einige i at han skulle få utarbeidd alternative plasseringar ut i frå kartdata som formannskapet fekk laga av Asplan Viak.

Eg har purra på dette fleire gongar, ved mail i april og mai, ved tlf fleire gongar, seinast i dag. Har ikkje fått nokon respons.

Min tanke var at eg prøvde å få til eit møte med departementet basert på desse alternative lokaliseringane.

Samstundes jobbar kommunane i region med ein interkommunal plan for sjøområda. Her vil me igjen leggja inn lokaliteten ved Hjeltevarden, då vil me få dialog med Kystverket uansett etter det eg er blitt fortalt.

Me kan prøva å få på plass ein ny interessant på område, men det vil truleg ikkje gå fortare en den interkommunale planen. Planen kjem ut på høyring i haust.

-Legesituasjonen

Pr 1.9.2022 blir det 4 legar i «nordsjøturnus». Alle fire er spesialistar i allmennmedisin. 3 av legane har ei stilling på 30-32% kvar. Den fjerde legen er kommuneoverlegen med ei stilling på 45%.

Tilsaman har Fedje ca 1,4 stilling med legar.

Legane arbeider 24/7 i 8 veke, for så å ha fri i 3 veker. På dagtid kvardagar i tidsrommet 08.00 – 15.30 arbeider legane som fastlege med kontordag tre dagar kvar veke. Dei to andre dagane er dei tilsynslege ved sjukeheimen og helsestasjonslege i tillegg til at dei har daglegevakt. Kontoret tar i mot pasientar måndag, onsdag og fredag. Legen er så i vaktberedskap frå 15.30 til 08.00 morgonen etter, samt heile døgeret i helg og på «raude dagar».

Nordhordland Legevakt (NHLV) er legevaktsentral på telefon 116 117 utanom ordinær arbeidstid på kvardagar. Lege lokalt på Fedje vert så kontakta av NHLV vedrørande pasientar som bør tilsjåast av lege på vakt.

Det er ein kommunal «ambulans», kalla bårebil. Dette er ein tidlegare ambulanse kommunen overtok frå Helse Bergen. Ved raud respons vert også first responderane (frivillig beredskapsvakt) utalarmert. Lege rykker då ut til pasient saman med first responderar i bårebilen. Vi ser og at luftambulansen har relativt låg terskel for å rykke ut til Fedje.

Den tredje legen startar 1. juli, den fjerde legen starta i slutten av august. Vi har oppbemanna med legevikarar i sommar. Pr. dags dato er det ei veke vi slit med å få lege i, men vi arbeider med moglege løysingar.

Igjen må Fedje berømme Alver og Nordhordland Legevakt for at dei hjelper til. Dei seier dei ser at Fedje sitt system er sårbart og vil vere i bakhand for å hjelpe til.

Til slutt:

Legevaktordninga Fedje har er ei dyr og raus ordning. Det gjev tryggleik til innbyggjarane, men kan bli dyr over tid. Det gjer at Fedje bør vere med i regionen og sjå om framtidig organisering kan få ned kostnadene.

Statsforvaltaren har varsla tilsyn med legeberedskapen i Fedje. Fristen er 6. juni. Kommunen har sendt svarbrev og ventar på tilbakemelding.

F - vedtak:

Det vert ikkje fatta vedtak under evtuelte.